

ÅRSMELDING FUSA FRIVILLIGSENTRAL 2018



MØTE
MELLOM
MENNESKE



KULTUR
FOR
INTEGRERING



BESØKS
OG
KAFETREFF


UT I
NATUREN



BRUKTBUO



FERIEKLUBB



Det er Fusa sokneråd står som eigar av Fusa frivilligsentral.
Styret for sentralen har arbeidsgjevarfunksjon og kyrkjeverge er administrativ overordna for dagleg leiar.

I styret sit 7 medlemmar: 4 for eigar, 1 for kommunen og 2 for dei frivillige.
I 2018 har Victoria Tverli Dale vore tilsett i ein 100% stilling som dagleg leiar.

Soknerådet: Astrid Heidal (styreleiar), Nils - Inge Øverås, Magnhild Dale og Margunn Berge.

Vara: Øyvind Nordbø og Ingebjørg Gjerdevik.


Frivillige: Åse Hegre Riise, Maria Bøgevik Brandal.

Vara: Anne Grethe Ragnhildstveit og Berit Torgilstveit.

Kommunen: Gunn Sissel Teigen.



Styret har hatt fem styremøter og eit årsmøte i 2018.
Årsmøte vart halde i Bruktbuo tysdag 17.april. Med oss på årsmøte var Tove Hille som er dagleg leiar på Os frivilligsentral. Ho presenterte oppstartinga av sentralen og deira aktivitetar. Vidare blei det prata litt om kommunesamanslåinga og at me ynskjer å få til eit tettare samarbeid mellom frivilligsentalane i nye Bjørnafjorden kommune.



Økonomi:

I 2018 var tilskotet frå kommunen på 654.000 kroner. Det var ei auke på 38.000 kr i frå 2017. Ein må trekke frå 44.000 kr som går til rekneskp, IT ,husleige og div. Flaksepant på Frank Mohn var i år ei god inntektskjelde på heile 32.300 kroner , dette kan blant anna skuldast at pantesatsane i år har auka.

Me mottok 20.748 kroner i gåver/tilskot frå andre, i tillegg til 20.000 kroner til ferieklassen.

Me fekk også 43.000 kroner frå barne, ungdoms,-og familidepartementet til arrangere ferieklass.

Løn, arbeidsgivaravgift og pensjonsinnskot til dagleg leiarar enda på 563.942kr.



Nettverk og kompetansepåfyll

I løpet av 2018 bytta Fusa frivilligsentral nettverk frå å vere i nettverk sentrum til å bli nettverk vest og Bjørnafjorden. Dette for å kome i same nettverk som Os frivilligsentral. I april 2019 skal nettverk vest arrangere Hordalandssamling for alle frivilligsentralene i Hordaland. Nettverk Bjørnafjorden blir dermed verande i nettverk vest til samlinga er overstått. Nettverksmøta har dermed i 2018 gått mykje til planlegging av Hordalandssamlinga. Tilsaman har dagleg leiar delteke på 4 nettverksamlingar, samt ein Hordalandssamling i Rosendal 25.-26.april.

Fusa frivilligsentral betaler årleg kontingent for å vere med i paraplyorganisasjonane Norges Frivilligsentraler og Frivillig Hordaland. 8.-9.april deltok dagleg leiar på årsmøte og fagsamlinga til Norges frivilligsentraler. Ein lærerik samling som gav eit betre inntrykk på kva Norges frivilligsentralar jobbar med. Den 8.mars invitera nettverk Voss og Hardanger til fagdag i Odda. Organisasjonen frivillig Hordaland invitera til fagdag på Espeland fangeleir laurdag 10. november. Dagleg leiar deltok på begge desse fagdagane.

FRIVILLIGFEST - BURSDAGSFEIRING OG FRIVILLIGPRIS UTDELING

Fusa frivilligsentral blei oppretta i 2003, det vil seie at sentralen er 15 år.

Dette blei feira med ein frivilligfest på den internasjonale frivillighetsdagen 5. desember. Festen tok til i Bygdaheimen på Holmefjord.


Det var nærmere 100 personar tilstade denne kvelden. Festen var gratis og open for alle, men folk måtte ta med noko mat til seg og sine å setje på eit fellesbord. Frivilligsentralen stod for kaffi, saft og jubileumskake.

Det var dagleg leiar som leia festen.

Heile kvelden hadde me med oss musikkgruppa til Lions som stod for god musikk og allsong.

Dei frivilligemedarbeidarane Margun Eide og Olaug Bjørndal sa nokre fine ord om det å vere frivillig. Styreleiar Astrid Heidal tok oss gjennom 15 år med frivilligsentralen ved bildevising og historieforteljing. Ordførar Atle Kvåle var med oss denne kvelden. Han fekk æra av å dele ut frivilligprisen 2018. Fusafolket hadde stemt fram 19 ulike kandidatar, som alle var fortent ein pris for sin gode frivillighet. Det var styret i frivilligsentralen som var jury, og blei tilslutt einige om at det var Torill Helland som skulle motta frivillighetsprisen for sitt frivillig engasjement som besøksvenn på Fusa bu og behandlingssenter.

Ho fekk heider, ære og eit bilette frå den lokale kunstnaren Bente Dankertsen.



Enkelt oppdrag og ny fleirbruksstasjon på veg

Me får ofte spørsmål om hjelp til køyre/fylgjeteneste, opptreden til fest/kafè, hagearbeid, møbelflytting med meir. Tilsaman om lag 30 slike oppdrag i løpet av 2018. I tillegg var det ei helg i november der FBBS trengte hjelp til å sku opp nye IKEA møbler til den nyoppussa stova. Då fekk me formidla 8 frivillige til det oppdraget.

Eit anna tilbod me har hjelpt til med i 2018 er å skaffa turvenn til ein pasient ved FBBS. Dei går no på ein times tur i lag cirka ein gong for veka.

1.oktober er den internasjonale eldredagen. Denne dagen heldt dagleg eit foredrag om Fusa frivilligsentral på feiringa til senior og funksjonsrådet.



Det er mykje nytt som skjer i Eikelandsosen, blant anna er det på veg opp ein ny fleirbruksstasjon. Dagleg leiar har delteke på mange møter i forbindelse med den nye hallen. Det er også oppretta ei referanse og ei resursgruppe i forbindelse med dette. Dette på bakgrunn av at kommunen søkte om midlar til eit prosjekt kalla «Idrettshall som seniorsenter og aktivitetssenter for alle». Dette fekk ein tilskot til og det blei dermed tilsett ein person som aktivitetskoordinator. Frivilligsentralen skal dermed vere med å dyrke fram nye aktiviteter spesielt retta mot unge og seniorar. Med i desse gruppene sit blant anna fleire kommunale representantar frå ulike instansar, fysioterapeutar, idrettsråd, leiar av seniordansen, representant for senior og funksjonsrådet, med fleire. Det er planlagt at den nye hallen skal opna i april/mai.



Matgåve = Matglede

I eit samarbeid mellom frivilligsentralen, NAV, kyrkjekontoret og Fjord`n senter blei det i desember sett opp ei handlevogn der folk kunne donere mat til familiar i Fusa som ikkje har så mykje å rutte med. Det var også mulig å putte penger på ei bøsse eller vippse. Det blei ei full handlevogn med matvarer, ein full pose med ferskvarer frå Bunnpris Eikelandsosen, 5 gåvekort frå bensinstasjonen YX, gåver til born, samt 4814 kroner kom inn på bøssa/vipps. Dette førte til at heile 8 familiar fekk glede av fulle matkasser til jul, takka vera gavmilde Fusingar.



Felles julefeiring

Det blei tidleg vedtatt i styret i frivilligsentralen at me i år skulle prøve å få til ei felles julefeiring i Fusa. I september kalla me inn til eit idémyldringsmøte i Bruktbuo. Det var 8 personar utanom dagleg leiar som møtte. Det blei der einigkeit om at me skulle gå ut å sjå om det var interesse for ei slik feiring.

Dagleg leiar laga invitasjonar med forslag til program som blei sendt ut til alle i tilsette i Nav og Fusa kommune med oppmoding om å spreie ordet til dei som har behov for å kome saman. Det blei hengt opp plakatar i alle bygdene, marknadsføring på sosiale medier, i avis og kyrkjeblad. Det var likevel ingen som meldte seg, det blei difor ingen feiring. Det positive var at folk var veldig velvillige til å hjelpe til med ei slik feiring, både med baking, pakker og tilstelling.



Walk & Run ☆



CHILDREN'S BURN
CARE FOUNDATION
ETHIOPIA

Måndag 12.februar inviterte Fusa sokn og Bruktbuo til informasjonsmøte om Walk and Run. Hans Petter Schjeldrup var tilstade å fortalte om erfaringa sin og om arbeidet til Childrens brun & Wound care foundtion.

Det var 29 personar som møtte. Mellom anna representantar for Fusa ungdomskule, Fusa vgs, Fusa Lions, Strandvik Montesoriskule, Jettegryta barnehage og Ådlandsfjorden idrettslag.

Laurdag 2.juni var det duka for Walk and Run. Einar og Lillian Rose Eriksen, samt ein tilsett i CBWCF var på plass i Eikelandsosen denne solfylte dagen. Dette blei ein festdag med opning av Eikelandsfjorden musikklag, fellesstart, idrettslagsstafett, politisk parløp, sal av verdens dyraste pølse og ved at brannvesnet i Fusa redda opp kyrkjeverja frå sjøden.

Damene i Bruktbuo stod for baking av 300 boller, kaffi og saft. Guttekubben Noah var på plass å selde pølser. I tillegg var det fleire barnehagar og skular som hadde arrangement og mini Walk and Run. Alt dette til inntekt til Childrens brun & Wound care foundtion.

Tilsaman blei det samla inn nærare 300.000 kroner!

TV-AKSJONEN

KIRKENS BYMISJON

Fusa frivilligsentral er koordinator for TV-aksjonen i Fusa. I år gjekk Tv-aksjonen gjekk av stabelen søndag 21.oktober. Inntekta gjekk til Kirkens Bymisjon sitt arbeid for å skape eit varmare og meir inkluderande samfunn. I komiteen sat dagleg leiar, Åse H. Riise og ordførar Atle Kvåle. Me skaffa over 60 frivillige bøssebærere til aksjonsdagen, samt organiserte frivillige bøsseinnsamlarar frå kvar bygd. Me var heldige å hadde Sparebanken vest med oss på laget. Dei hjalp til med opptelling av bøssene.

I Fusa kommune blei det samla inn heile **246.135 kroner**, det vil seie at det blei det nest beste resultatet som har vore.

Tysdag 25.september arrangete me bingokveld i Bruktbuo der inntekta gjekk til tv-aksjonen. Det var om lag 30 personar samla denne kvelden og det kom inn heile 3900 kroner. Salgsinntekta i Bruktbuo laurdag 20.oktober gjekk også til årets aksjon, den var på 2100 kroner.



Fusa vidaregåande hadde eit ekstra fokus på aksjonen i år.

Dagleg leiar var på skulen fredag 19.oktober og haldt eit lite foredrag om årets tv-aksjon. Elevar solgte vaflar til medelevar og tilsette på kommunehuset og klarte dermed å samle inn 3269 kroner.

I tillegg gav klassen 2KDA 500 kroner.

Nore Fusa skule tok i år igjen utfordinga ved å arrangere skuleløp til inntekt til tv-aksjonen.

Elevane skaffa sponsorar (venner og familie) og sprang inn heile **22.100 kroner**, det er formidabelt med tanke på at det er ein skule med mindre enn 50 elevar.

Tur til Etiopia

4.-13.oktober

I oktober var eit heilt reisefølgje på 34 peroner på tur til Etiopia i regi av Fusa sokneråd. Tidlegare misjonærar i landet Jorunn og Osvald Hindenes var med som reiseleiarar. Formålet med reisa var å besøke alle prosjekta som Fusa har vore med å støtta. Dagleig leiar og fleire av medarbeidarane i Bruktbuo var med på turen. Med oss nedover hadde me koffertane fulle av tepper og babyklær som medarbeidarar med andre har vore med å stikka i Bruktbuo.

Dette leverte me i frå oss på NLM sin hovudstasjon i hovedstaden Addis Abeba.

Desse varme kleda skal kome mange babyar og mødrer til gode i ei by kalla Ginir, kor fleire skandinaviske jordmødrer arbeider.



Bruktbuo har sidan 2012/2013 samla inn om lag kr.400.000,- til hjelp til brannskadde born, til operasjoner i Etiopia.

Med om lag to dagar i buss frå hovedstaden Addis Abeba kom med til byen Hagere Mariam. Her ligg det einaste brannskadeavdelinga i sør-Etiopia.

I området rundt bur det 1,5 millioner innbyggere som er tilkytta til dette sjukehuset.

Fusa samfunnet har bidrige med opprusting av nokre rom på sjukehuset, utstyr og etablert ny operasjonsstove.

Ein har også vore med å utdanna lokalt helsepersonell til å operere og stelle brannskadde under leiing av Dr. Einar Eriksen.

På 1,5 år har dei gjennomført 300 operasjoner på sjukehuset i sør.

På Bruktbuo sin basar i fjor blei det samla inn om lag kr.94.000,- til ei Meshmaskin til sjukehuset i Hagere Mariam.

Mesh-maskin er heilt nødvendig i arbeidet med å hjelpe brannskadde. Når ein transplanterer eit hudstykke, så nyttar ein denne maskina slik at t.d. hudstykket vert femdobla i storleik.





På sjukehuset i Hagere Mariam fekk heile reiseføle omvising på sjukehuset, samt vere med på ein storslott seremoni. Her var Etiopisk-tv med, fylkesordførar, sjukehusdirektøren og fire ulike stammeleiarar.

Fylkesordføraren takka for støtta me gjer til sjukehuset, og for samarbeid - og presiserte kor mykje det betydde for dei i denne delen av landet som er full av store utfordringar.

Det hadde aldri vore ein så stor utanlandsdelegasjon i Hagere Mariam før, dei ville med seremonien vise si takksemd for vårt besøk og for vår store støtte til sjukehuset. Avslutningis vart dagleg leiar for frivilligsentralen og kyrkjeverja påkledd Gudjifolket sine nasjonaldraktar, dette var ei gave som vi fekk med oss heim.

Alle i reisefølgjet fekk kvart sitt smykke med lokalt motiv på. Desse gåvene er eit bevis på deira takksemd til alle i Fusa kommune som støttar oppom prosjektet.

På denne turen fekk me med eigne auge sjå at pengane var komen fram og kom til god nytte.

Det var ein tur med sterke inntrykk, fine opplevingar og minner som ein aldrig vil gløyma.

Dette har gitt oss ein ekstra giv til å stå på med arbeidet for brannskadde born.



På turen hadde me også med bamsar frå "teddyekspressen" det er ei elevgruppe på Fusa ungdomsskule som har samla inn bamser til brannskadde born.

FERIEKLUBB

Ferieklubb – Eit vellukka tilbod for born i frå 1.-7.klasse. Det var totalt 27 born påmeld fordelt på to veker. Målet med ferieklassen var å skape ei alternativ ferieoppleving for born, for blant anna familiar som av ulike grunnar ikkje har høve til å reise bort på ferie. Det var fire ferieklass assisterar som var tilsett i desse to vekene, dei hadde ansvaret for borna heile dagen, samt ansvar for å lage lunsj til dei. Assistentane var pliktoppfyllande og gjorde ein veldig god jobb. Dagleg leiar var også med nokre dagar, då det var behov. Me var utruleg heldig med været, det blei to veker fylde med mykje uteaktivitetar.



Borna har fått vore med på aktivitetar som gardsbesøk, førstehjelpskurs med røde kors, Rush trampolinepark, sett på helleristningar, hobbydag, danse-workshop, besøk på brannstasjon, turdag, vore i klatreparken til Skjelbreid Poirée, samt prøvd mange ulike idrettar/aktivitetar som me er heldige og har i kommunen vår.



FRITIDSMØNSTRINGA

Laurdag gjekk det årlege arrangementet Fritidsmønstringa av stabelen. Dette er eit samarbeid mellom frivilligsentralen, Fusa kommune og Fjord`n senter (Markens grøde). Dette er ein fin arena til å bli kjend med det ulike organisasjonslivet med har i kommunen. I år var temaet kreativitet og hobby.

Denne dagen er senteret fullt av utstillarar, program frå scenen og ulike aktivitetar familiar kunne vere med på. Nokre av utstillarane som var med i år var Bente Dankertsen (utstilling i Glassgato), kunstutstilling ved elevar ved Fusa VGS og syrisk broderi. Me stella også i stand rebus, bok og bolle (biblioteket) og sal av syrisk mat.



Besøkshund



I 2017 starta Fusa frivilligsentral opp med Besøkshund-teneste. Her blei 6 ekvipasjar utekseminert, etter å ha fullført praksis, teori og ein liten eksamen. Me fekk oss to besøksavtalar i Eikelandsosen der hundane kan gå på besøk etter faste/avtalte tidspunkt. Det blei ein litt tung start då dei eine besøkshunden måtte avlivast. Besøkshundane har i løpet av 2018 skapa mykje glede, gode samtalar og fine turar for ulike bebuarar. Dagleg leiar har saman med kurshaldar hatt eit par samlingar i løpet av 2018 kor ekvipasjane kan evaluere og utveksle erfaringar. Hundane har også fått seg eigne besøksvester med refleks og logotrykk på.





Kafetreff

Eikhovdatreff – Annakvar onsdag laga to frivillige damer til treff for eldre som bur på og rundt Eikhovdaheimen. Dei to driftige damene serverer kaffimat, syng, har quiz, diktlesning eller andre morosame innspel. I løpet av 2018 hadde dei også Bente Bratlund på besøk, ho leste opp noko frå diktsamlinga si.

Musikkgruppa til Lions var på besøk å underhaldt, og dagleg leiar var å fortalte og visa biletar frå Etiopia turen. Til sommar og jul dekka dei opp til langbord og har litt ekstra mat og underhaldning. Desse treffa blir sett stor pris på, og det er eit gjennomsnitt på 20 personar som møter opp.



Torsdagskafè – Kafètreff frå 0-100 år. Treffa varierer mellom bygdene Nordtveit, Baldersheim og Sævareid. I tidsrommet 14-16. Som regel siste torsdagen i månaden. Det pleier å vere 3 frivillige som steller i stand kaffimat og underhaldning/musikk.



Dei frivillige står også for tildekking og oppvask.


Ei sosial tiltak for bygdefolk. Det var 3 kafètreff i 2018, med ca. 20 personar per gong. På to av treffa var musikkgruppa til Lions med å sytte for fin musikk og allsong.

Pasientvenngrupper:

Det er to flinke pasientvenngrupper som går på besøk på Fusa bu og behandlingssenter anna kvar tysdag.

Dei står for kaffimat, song og underholdning for bebuarane. Dei pleier å vere 4-5 frivillig per gong, der ein av dei står for trekkspelmusikk. Dagleg leiar hjelper dei med litt praktisk arbeid om det trengs, ellers er dei to sjølvstendige grupper. Treffa skapar god atmosfære, får praten til å gå rundt borda og gjer FBBS til ein hyggjeleg plass å vere og bu.





Kultur for integrering



Fusa frivilligsentral har eit tett samarbeid med kulturkontoret og flyktingenesten. Det er der blitt oppretta ei gruppe kalla kultur for integrering. Denne gruppa har jevnlege møter og hovudmålet er arbeide med å skaffe ulike fritidstilbod og nettverksbygging for dei nye fusingane.

Eit lokalt nettverk er svært viktig for å praktisera og læra norsk, samt bli integrert i Fusa samfunnet.

Språkkafè - Er eit populært tilbod med omkring 20-50 deltagarar på. Språkkafeen er lokalisert på trivselstunet på Fusa VGS, og heldt til kvar tysdag i oddetalsveker mellom klokka 16-18. Dette tilboden er gratis og ope for alle. Her et ein middag saman, både norske og internasjonale rettar. Deretter har ein ulike språkaktivitetar, og nokre gongar besøk av ulike organisasjonar. Kafèen er ein fin moglegheit til å skaffe seg nye betjentskapar. I 2018 har to av flyktningane fått i arbeid å ha ansvar for kafeen, både tilstelling og opprydding. Dette er arbeid dei har meistra godt.



Tidligere år har det blitt arrangert «[Bli kjent med Fusa](#)» om sommaren. I 2018 mottok ikkje Fusa nokre nye flyktningar. Det blei dermed ikkje arrangert eit slik program i år. Likevell arrangerte kultur for integrering eit tre vekters opplegg om sommaren med aktiviteter som: Førstehjelpskurs, turdag i fjellet, rebus, vaskekurs og diverse språkopplæringer.

Kvinnedagen 8.mars blei markert i biblioteket, der temaet for kvelden var "Kvinneliv verda rundt - innvandrarkvinner i Fusa fortel". Kvinner i Fusa med ulike bakgrunn frå ulike land og kulturar, dela sine erfaringar i spørsmålet om likestilling mellom kjønna.



Dagleg leiар har også vore ute på vaksenopplæringa to gonger i løpet av 2018. Her blei det heldt foredrag, snakka, samt jobba med oppgåver rundt temaet **frivilligarbeid**. Her var entusiasmen stor til å hjelpe med frivilligarbeid!


Ut i naturen

Eit turtilbod med tilsaman 24 turar fordelt på vår og haust. Ein unik moglegheit til å bli kjend med nye plassar og folk i kommunen vår. I løpet av året var det gjennomsnitt 15-20 deltagarar med på turane.

Tøffe turdeltakarar stiller uansett vær og vind!

Det er frivillige lokale turleiarar som er med å visar veg, og nokre av dei fortel også litt historie om plassen.

Turane går alltid på ein onsdag med samkøyring frå Fjord`n senter klokka 10.00. Turane er for alle!





Etter ynskje blei fire av turane i haust sett opp etter Fusa turlag sitt på kryss og tvers tiltak, der turgåarane kunne få seg fire ulike klipp.

5.september fekk me besøk av turgruppa til Kvam frivilligsentral. Dette blei ei kjekk og sosial dag. Me hadde to ulike turar, den eine frå Holdhus, over Hadlo og ned til Eide. Den andre turen gjekk til Holdhusstølen. Etterpå samlast me alle i Klyngetunet til Margun Eide. Her hadde me bestilt hjortegryte og dessert frå Arild Tveit. Etter middagen var det omvising i Klyngetunet. Det var om lag 50 personar frå Kvam og 30 personar frå Fusa som deltok på denne samlinga.





BRUKTBUO

Brukbutikken Bruktbuo er drevet av ca. 40 aktive frivillige medarbeidrarar.

Her tek me i mot brukte og ubrukte varer og sel dei til ein billig penge.

Brukbuo er veldedighetsarbeid, der overskotet blir delt likt på to formål, det er

Fusa sokneråd sitt barne og ungdomsarbeid, og Children's burn & Wound care foundation. I 2018 enda overskotet på 75.000 kroner.



CILDREN'S BURN
CARE FOUNDATION
ETHIOPIA

Det er eit eige styre for butikken. I dette styret sit det 4 styremedlem inkludert dagleg leiar av frivilligsentralen, samt 2 varamedlem.

I løpet av 2018 hadde styret 3 møter, i tillegg til årsmøte.

Styret arrangerte også to medarbeidarsamlingar.

Den eine blei arrangert i hagen til Astrid Heidal i juni månad, og den andre i oktober i Bruktbuo. Her åt me god mat saman og prata om erfaringar, og ting som kan forbetrast.



Brukbuo er like mykje ein møteplass som ein bruktbutikk. Her kan ein møtast, ta seg ein kopp kaffi og slå av ein prat i sofakroken.



Besøk i Bruktbuo av ekteparet Einar og Lillian-Rose Eriksen.

Tysdagsklubb

Ein gong i månaden blir det på initiativ av dei frivillige arrangert tysdagsklubb. Den heldt til 2.tysdagen i månaden. Her samlast dei som vil til eit to timers handarbeidstreff, kor ein kan spørje kvarandre om hjelp, synge litt, drikke kaffi og skravle i veg mens strikkepinnane går. Tysdagsklubben er utspringet til basaren til Bruktbuo.



Besøk av Lillian-Rose Eriksen og Abera (dei er begge representantar/tilsete i CBWCF).

Basar

I 2017 blei det arrangert ein storslått basar med eit overskot på 88.000 kroner, der pengane gjekk til brannskadde born og innkjøp av to nye hud maskiner. Damene i tysdagsklubben og Bruktbuo ville prøve til i år igjen å arrangere basar. Det blei dermed strikka og sydd gevinstar for den store gullmedalje. Damene fann seg restegarn og halvferdig handarbeid som blei sydd om til fleire hundre nydelege gevinstar. Søndag 4.november gjekk basaren av stabelen.

Det var 5 trekkningar med over 30 nydelege gevinstar på kvar trekning. Det blei visa og fortald om Etiopiatur som 25 fusingar deltok på. Ein hadde eit mål om å få inn 80.000 kroner til ei ny dusjvogn, som var eit sårt ynskje på sjukehuset i Hagere Mariam (sør i Etiopia). Dette målet nådde me, då det kom inn heile 91.420 kroner! Dette takka vera flinke medarbeidarar i Bruktbuo.

Babytøy til Ginir

Det er ikkje berre gevinstar til basaren som blir strikka av restegarn i Bruktbuo.

Det blir også strikka babyklær og tepper som blir sendt ned til eit sjukehus/fødeavdeling i byen Ginir i Etiopia. Det blei sendt ein stor sending til Etiopia med Fusafolket i oktober. Der var det med 40 babyplagg og 40 tepper.





Kundefridagar

Det heldt til på måndagar frå 10-13, i gjennomsnitt ein gong i månaden.

Dette er eit tiltak der ein rydder, vasker, strikkar og har ei sosial stund i lag.

Medarbeidarane er flinke til å ta initiativ til ryddig og boskøyring.

Samarbeid

I 2018 har også Bruktbuo hatt eit tettare samarbeid med Fusa ungdomsskule. Der har dei ein valfagklasse kalla design og redesign. Dei fekk kome å plukke seg ut varer i butikken som dei skulle redesigne. Etter eit par månadar kom dei tilbake med tinga i butikken og hadde ei utstilling av dei redesigna varene.

Mykje kreative og flinke elevar!

I løpet av hausten 2018, og våren 2019 har det vore ei gruppe med konfirmantar i Bruktbuo. Dei har hatt i oppdrag å strikke babyhuer. Det er ei frivillige dame som har hatt ansvaret for å følge dei opp.



Bruktbuo har også i 2018 donnert nokre pynte gjenstandar til den nyoppussa stova på Fusa bu og behandlingssenter. Ein fin måte å støtta lokalsamfunnet på!



Sidan mai månad har me hatt med oss ei ung jente på arbeidspraksis ho oss. Dette har vore, og er ein god resurs for butikken.

LEKSEHJELP



I løpet av 2018 kom det inn ynskje om å starte opp leksehjelp. Etter utlysing av ein leskehjelpar på sosiale medier er det ein ung pensjonist som har meldt seg. Den frivillige leksehjelparen har sagt seg villig til å hjelpe elevene i realfag.

Det er foreløpig to elevar som skal ta i mot dette tilbodet. Dette tilbodet starta opp i november og hadde eit par samlingar før året var omme.



INTERNKONTROLL

Det kom ynskje i frå styret å opprette ein internkontroll for Fusa frivilligsentral. I løpet av vinteren 2018 oppretta dagleg leiar ein internkontroll. Den har hovudfokus på desse områda:

- Arbeidsforhold/psykososialt arbeidsmiljø for dagleg leiar.
 - Lokale: kontor og Bruktbuo
 - Aktivitetar: forsikring av deltakarar

Resirkulering av flasker.



FLASKEPANT


Me har ei ordning med FRAMO Fusa som går ut på at me kjem å hentar panteflaskene deira. Dagleg leiar saman med 3-4 frivillig var i løpet av 2018 på fire falskeinnsamlingar. Me samlar og sorterer dei i sekkar og sender dei inn til Infinitum.

Pengane me får inn går til frivilligsentralen. I 2018 auka pantesatsane. Flasker på 0,5 auka til 2 kroner, flakser over 0,5 auka til 3 kroner. Dette ført til ei god auke i denne inntektsposten.

I 2018 hadde me ei inntekt på 32.300 kroner.



SAMARBEID



Røde Kors



Senioruniversitetet

Fusa frivilligsentral har i løpet av 2018 hatt samarbeid med mange ulike lag og organisasjonar. Eit tett samarbeid Frivilligsentralen har er med Senioruniversitetet. Dei lånar kontoret til møter, og dagleg leiar hjelper til med administrativt arbeid ved behov.

Røde kors

Den 12.november deltok dagleg leiarar på eit fellesmøte i regi av Fusa røde kors. Fusa røde kors har gått inn for å prøve å få ein aktiv organisasjon igjen. Dei inviterte dermed ulike ideelle lag og organisasjonar til eit fellesmøte. På møte blei det bestemt at Røde kors, frivilligsentralen, ungdomsrådet og fleirbrukshallen skal gå saman for å opprette ulike tilbod for å forhindre einsamheit blant unge.

Utleige av tilhengar

Fusa frivilligsentral eig ein tilhenger som me leiger ut gratis. Det blei gjort ein god servise på tilhengeren hausten 2017. Nøkkel til den får ein låna på kommunetunet.



Fusa Frivilligsentral skal vera ein møteplass og brubyggjar mellom menneske i Fusabygdene, Frivillige organisasjonar og det offentlege. Frivilligsentralen er eit kontaktpunkt og bindeledd mellom menneske som ynskjer å yta ubetalt innsats i nærmiljøet og for personar som ynskjer å ta i mot ein slik innsats.

Ein STOR TAKK til alle de som bidrog med frivillig arbeid i 2018, både i form av enkeltoppdrag og på faste aktiviteter i regi av frivilligsentralen.

Det er dei frivillige som ER Fusa frivilligsentral og Bruktbu!



Bli med!

Du er hjarteleg velkommen til å vere med på aktivitetane våre.

Er det noko du lurer på er det berre til å ta kontakt med oss.

Går du med ein tanke om å starta noko nytt eller du ser eit behov?

Me hjelpar deg i gong.

Er det noko som allereie eksisterar så vidareformidlar me dette.

Kontaktinformasjon:

Fjord`n senter 2.etg.

Tlf.56580114/92093716

E-post:

frivilligsentralen@fusa.kommune.no

Adr. Postboks 73,

5649 Eikelandsosen.

Kontaktperson: Victoria Tverli Dale

Heimeside:

<https://fusa.frivilligsentral.no/>

Følg oss på Facebook og Instagram



Kven kan vera frivillig?

*Du som vil bruka di fritid til å hjelpa andre.

*Du som har blitt pensjonist og syns kvardagane har blitt litt lange.

*Du som er ung og vil auka di livserfaring gjennom kontakt med andre menneske.

*Du som er arbeidssökjar og ynskjer å gjere noko positivt i ei vanskeleg jobbsøkningtid.

*Du som ynskjer å være eit medmenneske

Du inngår ingen langsiktig avtale, syns du dette er gjevande, fortsett du. Kom gjerne innom oss for ein uforpliktane samtale.

